

北洋官報

目錄

宮門抄

交旨

奏議○稅務處奏總稅務司仍請開缺摺△農工商部奏核議湖南辦礦人員改獎商勳摺摺片十四則

奏議○督憲札二件△礦政局詳一件

文告六則△發給六則△各省五則△譯電七則

彙編○憲政編查館奏定法院編制法

已酉官報目錄

本局第一百三十一期法政學報已出
本日增刊己酉官報目錄一頁

現刻北洋同官錄各處履歷尙未來齊務望於二月內送交敝局以便三月初旬一律印刷
本局謹啟

宮門抄

二月二十四日 度支部 宗人府 正白旗值日 吳郁生謝仍在軍機大臣上學習行走 恩 于式枚

謝轉補吏部左侍郎 恩 瑞良謝授吏部右侍郎 恩 奉天知府都林布謝 恩 分發道府王

樹中等謝 恩 王英楷假滿請 安 王會釐伺候 召見 櫛貝子 桂伯各請假十日 植公

續假二十日 溥侗續假十五日 岳樑請假五日 召見軍機 王會釐 都林布 王樹中 資政院

遞封奏一件 玉春遞封奏三件

交

旨

二月二十四日 軍機大臣欽奉

諭旨資政院奏敬陳速記學堂開辦情形一摺又奏呈進蔡錫勇所著傳音快字書一片知道了書留覽欽此
諭旨御史玉春奏八旗開放兵丁月餉虧短數目並不一律請飭整頓一摺著值年旗轉傳各旗營查核妥議具奏
欽此

奏議錄要

稅務處奏總稅務司赫德病仍未痊懇請開缺摺

奏為請 旨專竊總稅務司赫德前因病請假回國現據署總稅務司裴式楷稟稱接到該總稅務司函稱病仍未痊勢難就道懇請開缺等因臣等竊查該總稅務司赫德辦理海關逾五十年籌畫精詳素稱得力今因病阻滯一時未能回華供職係屬實在情形追念前勞可否仰懇 天恩再賞假期一年俾資調攝毋庸開缺出自

逾格鴻施應俟 命下卽由臣處剴知該總稅務司遵照再該總稅務司前次請假係由臣處奏派副總稅務司裴式楷署理該副總稅務司裴式楷供職三十餘年稅務最爲諳習現在臣處整頓稅務合無仰懇 恩施給予升銜由臣等令該員裴式楷在臣處另備差遣所遺副總稅務司一缺臣等詳加考訪查有江漢關稅務司安格聯堪以充補倘總稅務司赫德此次再蒙 恩賞假一年卽以該員安格聯暫行代理總稅務司以專責成所有總稅務司因病未能回華擬乞 恩再展假期及調派各員緣由謹恭摺具陳伏乞

皇上聖鑒謹 奏請 旨宣統二年二月十一日奉 旨赫德著再賞假一年裴式楷賞給頭品頂戴餘依議欽此

農工商部會奏核議湖南辦礦出力人員改獎商勳摺

奏為核議湖南辦礦出力人員改獎商勳恭摺會陳仰祈 聖鑒事竊查湖南巡撫岑春煊奏湖南官辦鉛礦確有成效請將辦礦出力之廖基植一員改獎四等商勳並加五品頂戴一片宣統元年十二月十九日奉 硃批

該部議奏欽此由內閣欽遵鈔交到部原奏內稱湘礦開辦多年前未大著成效廖樹衡及廖基植辦理水口山鉛

礦十有餘年父子相繼實力經營備嘗艱苦勞怨不辭始得著有成效若不稍示優異深恐於礦務前途不無阻礙

部議既以章程內無獎叙實官辦法自應遵照另擬請獎廖樹衡業經議准援照章程給獎廖基植事同一律懇將

部議既以章程內無獎叙實官辦法自應遵照另擬請獎廖樹衡業經議准援照章程給獎廖基植事同一律懇將

候選訓導廖基植獎給四等商勳並賞加五品頂戴以示優異而符定章等語伏查臣等前次議覆湖南巡撫奏請將官辦水口山鉛礦出力之四品銜分部主事廖樹衡獎給二等商勳並加三品頂戴候選訓導廖基植以教諭即選一案由農工商部查照奏定獎給商勳章程將廖樹衡核准獎給二等商勳並賞加三品頂戴其候選訓導廖基植請以教諭即選一節因農工商部奏定各項獎叙章程內並無獎給實官辦法應令另核請獎會同具奏奉旨依議欽此欽遵行知去後茲據該撫遵照將廖基植一員另核奏請改獎商勳按照農工商部奏定獎給商勳章程詳加查核尙屬相符擬即准如所請將候選訓導廖基植改照商勳章程獎給四等商勳並賞加五品頂戴以資激勵而裨礦務如蒙俞允再由吏部註冊行知湖南巡撫轉飭遵照所有遵議湖南辦礦出力人員改獎商勳照章核准緣由是否有當謹恭摺會陳伏乞皇上聖鑒訓示再此摺係農工商部主稿會同吏部辦理合併陳明謹奏宣統二年二月十八日奉旨依議欽此

摺片摘要

吏部民政部奏恭辦 孝欽顯皇后大事出力各員覈給議叙事二月二十二日奉

又奏議覆東督奏請變通分發辦法事同日奉

又奏議覆江督奏保鄂軍駐通出力各員請獎事同日奉

又奏補用知州郭春畬更正獎案事同日奉

又奏會議湖南等省奏縣丞劉德禩助賑請獎事同日奉

又奏湖北籌辦公債援案請獎議駁事同日奉

又會奏議覆黔撫奏請裁撤教職就款興學議駁事同日奉

又奏議覆新撫奏劉文龍補莎車府知府事同日奉

又奏議覆川督奏王典章升補打箭鑪直隸廳同知事同日奉

又奏議覆直督奏段雲錦等試署行唐縣知縣等缺事同日奉

旨依議
旨依議
旨依議
旨依議
旨依議
旨依議
旨依議
旨依議
旨依議
旨依議

又奏議覆黔撫奏已革知州蔣松華開復原官事同日奉

旨依議

又奏續議廣東廉欽肅清出力各員保獎事同日奉

旨依議

又奏議覆前魯撫袁樹勛議以降三級調用公罪可否准其抵銷事同日奉

旨准其抵銷

又奏遵議直隸甯晉縣知縣傅鴻詔等承審錯誤處分事同日奉

旨依議

公牘錄要

督憲陳准津浦鐵路大臣咨鐵路軌道上時有居民拋棄磚石等事請飭出示嚴禁札飭藩司

轉飭遵照文

爲札飭事准 津浦鐵路大臣咨據津浦鐵路北段總局申稱竊照北段路工自陳唐莊以迄德州黃河至濟維以南業經次第行車其德州以南現已趕鋪軌道迭據各該段員司報告以附近居民往往有於軌道上拋棄磚石及偷取螺釘割竊電綫損毀路簽情事查行車之捷速全恃軌綫之平正設於軌道上拋棄磚石一有阻礙固多出險之虞且螺釘爲銜接鐵軌之用電綫路簽關繫行車最爲緊要前奉 北洋大臣陳札開案准法部咨審錄司案呈本部會議郵傳部奏匪徒竊毀鐵路要件請明定治罪專條及承緝處分一摺於宣統元年十二月初四日奉 旨依議欽此相應刷印原奏行文直隸總督查照等因轉飭下局並抄發原奏一紙奉此查原奏內稱嗣後凡故毀及竊毀鐵路安設鐵軌枕木道釘並一切重要機件致行車出險因而傷斃人命者無論官路商路均擬絞監候出險尚未傷斃人命者係故毀於絞罪上減一等擬流三千里因竊而毀之犯徒三年未出險者係故毀減流罪二等因竊而毀者徒一年計賊重者從重論爲從者各減一等誤毀者減竊毀罪三等擬杖八十等因是治罪專條大部已有明文惟鄉愚無知難免違犯况拋棄磚石以致行車出險與故毀竊毀因而出險者情形亦不甚相懸若不嚴行禁止何以維路政而杜隱患仰懇欽憲轉咨 直隸督部堂 山東撫部院札飭路綫經過各該管地方官出示剴切曉諭嚴禁如有違犯前項情事即行查拿究辦以示懲創所有擬請轉咨嚴飭沿途各州縣出示諭禁緣由理合具文申請鑒核批示祇遵等情據此除批示外合行咨行 貴督部堂查照轉飭所屬所有津浦路綫經過各州縣地方應即查照奏案一體出示諭禁以重路政並希見覆等因到本大臣准此除咨覆外合行札飭札到該司

即便轉飭路綫經過各州縣查照奏案一體出示嚴禁仍隨時認真保護以維路政此札

督憲陳准陸軍部咨陸軍講武堂第七期畢業學員記獎札飭二四兩鎮查照文

爲札飭事准 陸軍部咨開據參議廳二等諮議官毛繼成參議廳一等諮議官講武堂總辦兼學兵營蔣雁行呈稱竊照講武堂學員每當畢業之際稟請遴員蒞堂會考擇優給獎歷經照辦在案茲第七期學員於十二月中旬畢業當由卑總辦稟憲台委派諮議官毛繼成屆期前往會考等因卑諮議官奉委後遵於十二月初九日馳詣該堂會同北洋大臣所派之兵備處幫辦王汝勤按照各學員素日學習各項功課出題考試所考各項均以二十分爲滿分茲照分數之多寡訂名次之高低現已一律評定謹具成績表一本查是期學員考試分數較第六期尤爲高上所有請獎人數似應較上期酌予優加俾示區分而資鼓勵合無仰懇憲恩將步工戰術科學員考取前三名者准以應升之階存記其第四至第七各員擬請各記功一次是科人數較多故以前七名請獎馬砲戰術科考取第一者擬請記升其第二至第五各員均請記功一次射擊科考取第一者擬請記升其第二至第五各員均請記功一次體操科擬請以前三名各記功一次俾考列在前之學員既得獎勵自必益知奮勉即無獎各學員亦必知所觀感俾策將來除二四兩鎮畢業學員成績較優者應請北洋大臣分別記獎外所有一五六鎮第七期畢業學員請獎緣由是否有當理合檢同成績表一本並開具請獎名摺一扣恭呈憲台鑒核如蒙俯允即請咨行專司訓練轉飭各該鎮遵照辦理等因前來除批准如擬給獎並將第一五六等鎮畢業學員開單咨行專司訓練辦理外所有第二四鎮應行記升記功各員相應分別等次開具銜名粘單咨行貴督查照辦理可也計單等因到本大臣准此合行抄單札飭札到該鎮即便查照此札 計開 管帶各員戰術科 四鎮十六標二營管帶張繪璜 十三標三營管帶殷人綱 以上二員應以應升之階存記 四鎮十三標一營後隊排長郝振武 二鎮七標二營前隊排長龐廣慶 五標二營督隊官王化宣 以上三員記功 馬隊戰術科 二鎮二標二營前隊隊官吳洪章四鎮四標三營左隊排長張永勝 以上二員記功 砲隊戰術科 四鎮四標三營中隊排長王錦耀 以上一員記升 四鎮四標三營右隊隊官周錦成 二鎮二標一營右隊司務長王世傑 二營右隊司務長周傳德 以上三員記功 步馬工隊射擊科 四鎮十三標二營左隊排長吳敬珉 以上一員應以應升之階存記

四鎮十四標二營後隊司務長岳德服 以上一員記功 各隊體操料 四鎮十五標一營右隊排長王尙元
四鎮十四標二營左隊司務長伊守寅 以上二員記功

礦政調查局詳晉礦運直被扣情形核與定案相符并擬將宣懷礦礦收回官辦文附清摺並

批

爲詳覆事案奉 憲台札開十二月初十日准 山西撫部院丁電開晉省王封官礦公司前經遵照部章取具保單領照納國家稅課准其行銷各省會將稅票運照咨達存驗放行迄今已歷四年今秋雖准前直督咨稱因有礙宣懷礦擬劃界分銷當將未便遵照情形由前撫寶咨覆在案茲據農工商局詳據王封官礦公司委員稟轉據礦商徐玉堂稟稱領照運礦至津被扣勒買又馬永恩行至靜海大城交界王家口被扣又馬四福行至鉅鹿被扣并被責押又梁玉行至武清被扣又趙乾元行至保定府被扣連日紛來公司交涉似此違章納稅之官礦何得指爲私礦當此萬國通商之際晉礦亦難不准入直該巡勇等竟敢視運照爲廢紙肆意虐商不惟公司受其困難晉礦從此阻滯卽部章亦難推行具詳請咨前來幸值貴督部堂榮任伊始百度維新應請鑒核速飭各該屬將扣留礦塊羈押商販發還放行并援照原案通飭各屬仍准晉礦入直行銷以紓商艱而維公益祈見覆施行等因准此除先電覆外合行札飭札到該局卽便查明核辦具覆此札等因奉此當經職局分別移札詳查去後茲據宣懷礦礦局大城縣武清縣先後分別開摺詳覆前來謹爲 憲台縷晰陳之一徐玉棠一案准宣懷礦礦局查復徐玉棠販礦來津寓三條石玉泰棧該局聞知到棧向索執照徐玉棠呈出山西農工商局三聯單二張一註徐玉棠一註王老黨每張註礦八百十八斤查詢徐玉棠自供爲王振海將礦過秤實有一千八百餘斤且聞已買出四五百斤種種不符合以盤詰王振海認爲私礦不諱念其初犯按每斤三分給價以示薄懲王振海當卽具結領洋了案一馬承恩一案准宣懷礦局及據大城縣查復馬承恩販礦行至王家口出賣經宣懷分局查獲送縣據供在山西農工商局領購計三百三十三斤呈驗山西運照乃所獲之礦係四百九十斤由縣點交該分局查收差傳馬承恩已赴山西是以尙未結案一梁玉一案准宣懷礦局及據武清縣查復梁玉等販運晉礦行至楊村經宣懷分局查獲送縣現由該縣詳請核示奉批飭局核復一馬四福一案准宣懷礦局查無其事尙未據鉅鹿縣具詳一趙乾元一

案准宣懷礦局查無其案尙未據清苑縣具詳以上各案徐玉棠所運礦斤商人姓名礦塊斤重均屬不符馬承恩梁玉之礦斤重亦不符合顯係藉單運私即應以私礦論將其充公徐玉棠所販之礦宜懷礦局因其初犯給價收回辦理已屬從輕應請毋庸置議馬承恩梁玉兩案應否即照徐玉棠之案辦理以昭大公之處伏候 鈞裁馬四福趙乾元兩案一俟各縣復到另行核詳至鄰省礦斤已於上年詳奉 前憲台端批准仍照原案不准入直充銷現經職道紹基筠孫等公同酌擬收回本省商礦配銷晉省官礦各辦法保本產兼顧鄰產利益均沾化充銷而為配銷通行無阻業經擬定章程六條呈蒙 憲台核定照辦應請隨案咨明 山西撫憲飭令王封礦公司遵照以保本產而維公安是否有當理合照錄清摺具文詳請 憲台俯賜查核 訓示并乞轉咨 山西撫憲查照飭遵實爲公便爲此具詳伏乞 照詳施行須至册者

謹將宜懷礦收回官辦辦法謹繕清摺呈乞、鈞核 計開 一飭撤商局以一事權 查宜懷礦既歸官辦所有現設之宜懷礦礦局自應飭令撤銷關防其礦照所填股本應即酌給官股按年分給紅利以昭大公惟該舊商不得干預礦事俾清權限 一附設局所以資辦公 查湖北礦局附設礦政調查局內現值撙節經費自應援照辦理即設於礦政調查局俟勸業道成立礦政調查局歸併之後再行另立局所有總局辦事人等即以調查局坐辦提調文案等兼司其事酌給紅利不另支薪 一酌籌官款以作山本 查官局成立之後應於宜懷產礦處所設一專局派委員司駐礦收買礦斤轉發爐商督視熬煉其商局現設之緝私各卡亦應酌留在在需費擬請仿照湖北辦法在官銀號借銀五萬兩撥充官本俟得紅利分年歸還 一配銷晉礦以敦鄰誼 查宜懷礦礦未開以前直境本係晉礦銷路現在爲保本產起見不得不加限制但晉礦既屬官辦似不得視之爲私惟有定一配銷之法查鹽務本許配銷礦斤自可仿辦擬請自收回官辦後每商人購礦百斤予以晉礦四成直礦六成總之每銷礦斤十成晉四直六以昭公溥其晉礦即由晉局派員運交直局點收分發配售此外各省礦斤不得援以爲例 一酌定礦價以杜弊端 查晉礦每斤售銀七分直礦因有報効售銀一錢二分應以此作爲準則嗣後如直礦漲至一錢二分以外其溢漲之價晉直各得一半倘落至一錢二分以內其減讓之價亦晉直各認一半兩不吃虧 一招商分銷以節糜費 查直境遼闊遍設分局需費不貲現擬由地方官招集股實公正商號取具保結

領銷一面由局援照湖北辦法刊就商店用礦准照准令用礦之戶赴局稟領或由就地州縣及商會代為稟領嗣後商店持照購礦分店憑照給貨既便稽查又杜弊端私礦自無從混銷匪類更無從朦購 以上六條僅擬大概辦法俟奉 批准即行遵辦理合聲明

督憲陳 批據詳已悉商人徐玉堂馬承恩梁玉等所販普礦被扣該局現經查驗運照所註商人名姓礦斤數目各有不符其中顯有影射情弊本應充公示儆惟徐玉堂所販之礦因其初犯業經從寬給價收回馬承恩梁玉兩案應准援照辦理至宣懷礦局擬歸官辦並將普礦配銷所議章程尙屬可行候咨 山西撫部院核復飭遵其請由官銀號借撥官本銀五萬兩並候札行該號籌議具覆繳

文告錄要

督憲牌示○為牌示事照得通永道林道志道稟請出洋考察憲政應即照准所有通永道員缺委候補道竇道廷馨署理除附奏並分行外合行牌示為此牌仰即遵照毋違特示

藩台牌示○委署廣平府訓導陰耀清因病繳委遺缺委永年縣教諭王際隆兼署

京師外城巡警總廳告示○為剴切曉諭事照得我 國家現值豫備立憲之際尊崇人格改訂律章革除奴婢名

稱禁絕人口買賣所以嚴法紀重人權薄海子民咸被 仁澤京師為 仁化首沾之域搢紳輻湊之區尤

宜首先遵行以爲四方矜式查近日迭有毆死婢女之案均經本廳訪覺移送司法衙門驗實照律訊辦在案惟

念本廳負保護人民之責發奸摘伏乃職任所應爲第恐無知婦女寡識小民尙復狃習頹風干犯禁令爲特出

示曉諭須知奴婢名目現已革除如有凌虐及傷斃情事皆應按律治罪自示之後無論何項人等均應遵守法

紀本廳爲慎重民命起見不憚三令五申庶幾家喻戶曉共體 朝廷寬大仁慈之至意其各懷遵毋違切切

特示

臬台批示○沙河縣民人李永旺來司呈控一案 批案經由司飭縣訊詳該縣自能認真察究按例擬辦毋庸飾

詞多瀆仍候行縣知照粘單附

直隸禁煙總局批示○已革候補巡檢吳桂森稟請赴津覆驗由 批據稟已悉查官員戒煙期限係光緒三十三年

年九月初四日奉 旨展限三個月一體戒除淨盡倘逾限未能戒斷即著按照定章懲處等因茲據該員稟稱曾於三十四年服藥戒淨等語即使果如所言已在逾限應叅之列况經調驗夫復何說所請覆驗之處碍難准行此批

清苑縣告示○爲出示曉諭事案蒙 府憲札開札清苑縣知悉宣統元年十二月二十三日蒙 道憲段 札開札保定府知悉宣統元年十二月二十二日准 布政司崔 咨宣統元年十二月初九日蒙 督憲陳 札開本月初五日准 外務部電開秀民張貼揭貼造謠煽惑本干例禁及各報館出報亦有報律應遵均不得肆行誣妄近日滇省馬使克地方駐兵叛踰越界經越軍派兵截擊事確照約章足見中法邦交敦睦法官深明大體迭准法使來照諄諄以中越境地毘連同舟共濟所有人民隔閡應由地方官盡力解釋爲言語極鄭重意尤婉切自爲消患事先起見若如各省謠傳或謂法兵已在南甯登岸駐紮或謂法兵二十萬佔據南省種種無稽之談騰之報章張之揭貼肆意煽誘實足滋生事端爲患邊境亟應嚴加懲禁以保治安除分電沿江海各省外希即嚴飭各該地方官剴切出示曉諭遇有前項情事立即嚴密懲禁毋稍寬假以靖人心而顧邦交等因到本大臣准此除分行外合行札飭札到該司即便遵照轉飭各屬嚴密查禁並出示曉諭此札等因到司蒙此除分咨飭遵外擬合咨會等因准此除分行外合亟札飭札到該府立即飛飭所屬一體遵照嚴密查禁並出示曉諭毋違此札等因蒙此合亟札飭札到該縣立即嚴密查禁並出示曉諭毋違此札等因蒙此合亟札飭札到該縣立即嚴密查禁並出示曉諭毋違此札等因蒙此除嚴密查禁外合行出示曉諭爲此示仰軍民人等一體知悉慎毋輕聽謠言致被煽惑切切特示

畿輔近事

官場紀要○督憲札委候補道劉觀察尙文充憲政研究員候選道錢觀察寶書赴南洋賽會均於前日赴院謝委

○委署通永道寶觀察延馨謝委○祁觀察頌威自 崇陵住班回津赴院稟見○吳橋縣張大令壽齡委

署長垣縣件大令埔委署行唐縣林大令因雲委署博野縣樊大令海瀾委署束鹿縣龔大令慶霖均叩謝牌示

○督憲於前日午後三點鐘出轅赴西沽參觀北洋大學堂

咨覆改送調查表式○憲政編查館咨覆江督文云准貴督咨據江甯調查局編訂光緒三十三年財政各表一百

四十九紙訂爲八冊作爲第一次咨送到館本館詳細覆核各表並未遵照館頒定式次序既不明體例尤多糅雜藩庫爲財政總匯其中尙無一表尤爲缺漏至如鹽務各表自應先將所有鹽課鹽釐折價加價等項一切入款列一總表以各署局所爲綱以各款項爲緯然後再行按岸按課分局分項附列分表方能次第釐然眉目清朗茲查各表錯雜混淆鄂湘西皖各局式既不同卽湘岸一局總分表式較爲明晰而支款分表又與總表支解之數不符究竟江南鹽務一項每年收數幾何支數幾何經常幾何臨時幾何實屬茫無頭緒其餘漕糧軍政等項或有分表無總表而軍政費既有專冊民政教育等費又混合於鹽務漕糧各表之中不易求索第五冊題係民政財政統計而表內並無民政尤爲乖誤要之調查局之設原爲各署局所不明統計之法特設機關派員專辦該局責任應將各處送到各表察其事類詳其性質或分者合之或混者晰之提挈綱領釐正舛誤方能秩然不紊一覽分明似此滿地散錢何能貫串稽核以爲統計年鑑之用應卽迅飭該局趕緊查照館頒表式遵依次第逐一訂正尅日另填咨送其或原式所無亦按次序聲明補入並將未到各處自藩司以及州縣催趨齊集彙填送館本館立待彙辦勿再遲延是爲至要爲此合咨貴督查照飭遵可也

辦理統計表整頓辦法○憲政編查館爲通行事本館辦理統計事務關係憲政要端各省分設調查局統計處等是其專責不容稍有諉延乃自上年頒行民政財政表式以後各省依限造報者不過十之一二其餘或經造送而尙多闕誤或請寬展而仍復逾違似此任意玩延何以爲統計年鑑之本本館現又續訂外務教育司法實業各種表式奏請通行不獨三十三年各表亟應逐一依限造報卽宣統元年統計亦經屆期斷難再任稽遲致誤憲政茲特由館核定整頓辦法五條相應通行各省嚴切督催認真辦理如再玩延責有專歸本館惟有照章查取職名分別奏請懲處以戒玩泄而資整理爲此咨行貴衙門查照辦理可也並附辦法五條其大綱如下

一 定責成 二 分期限 三 補闕漏 四 清年度 五 核事實

咨明總稅務司續假事○督憲札津海關道文云二月十五日准 稅務大臣咨開本處於宣統二年二月十一日具奏總稅務司赫德病仍未痊懇請開缺一摺本日欽奉 諭旨稅務處奏總稅務司赫德病仍未痊懇請開缺一摺赫德著再賞假一年裴式楷賞給頭品頂戴餘依議欽此相應恭錄 諭旨鈔錄原奏咨行貴大臣查

照欽遵可也等因到本大臣准此合行札飭札到該道即便查照（原奏錄今日報首）

委赴南洋籌辦賽會事宜○督憲札委周道家鼎錢道寶書文云照得南洋勸業會籌辦直隸一切陳賽輸運事宜關繫重要自應派員經理查有候補道周家鼎久辦實業爲守兼優堪以派赴南洋專理會務所有會內調度員司撥用款項均責成該道辦理月給津貼銀一百兩又查有候選道錢寶書現充出品協會協理勤奮耐勞長於肆應堪以派赴南洋幫理會務所有關於會外實際連絡即責成該道辦理月給津貼銀五十兩均由該會支發以資辦公其原差薪水仍照舊支給除札飭外合行札委札到該道即便遵照

警局嚴禁淫詞小說○天津南段總局因街市及各茶園多有售賣淫書及違禁小說者特於日前通傳各局區隨時巡查以維風化

各省近事

吉林省發法政官報○吉林吳提法使以吉省審判檢察各廳已經次第成立而尙無報紙以爲機關無以供一般司法人員之研究擬仿北洋法政學報辦法亦刊行吉林法政官報羅列本省關於司法一部分之奏章公牘批詞判詞等類月出兩冊以備官民共覽其開辦經費即於酌提各屬狀紙費項下開支聞已稟准吉撫派定審定編輯各員以便定期刊辦

（錄上海新聞報）

陸軍學堂考驗術科○蘇垣陸軍速成學堂已於本月初十日畢業考試術科是日寶中丞委派陸方伯代臨校閱督練處總辦袁幹卿觀察撫標中軍仇翼南參戎本堂總辦陳亦漁觀察提調藍惠卿太守監督章駕時君等皆在座即以本堂後面操場爲用武之地特調四十五標第三營步兵一隊及馬砲兵各一隊到場操演各種陣式以學生學喝口令旋由馬砲科各學生試習跳馬演砲等各種技術頗能純熟至十二時罷操隨於十三日再演野戰操術

（錄上海中外報）

晉省禁煙問題紀要○晉省禁種土藥已於去年一律肅清交城文水兩屬向爲種煙最盛之區今春藉口陝豫未能禁絕聚衆挾近日諮議局電詢陝撫及諮議局其文如下 貴省奏明禁煙聞仍多私種晉民藉口要挾影響甚大究竟已否禁絕祈電覆又電豫省意略如上刻陝西有覆電略謂業經派員切實調查以期盡淨云

(錄并州官報)

山西成績展覽會○山西學務公所以南洋勸業會期限已迫本月十二日在藏書樓下開全省教育品展覽會是日各校放假一日學生參觀者甚衆其中出品成績以師範學堂之圖畫醫學館之人體解剖圖公立女學堂之編物蒙養院之恩物爲最優新舊兩學憲皆蒞會十三日爲女學堂幼稚園各員生參觀之期各校參觀事竣即運往南洋赴賽以資比較而圖進步云

譯電錄要

土布訂約通商○倫敦電云土耳其政府因布加利亞國已經自立現與布國議訂協約以便土布兩國互相以鐵路運送商品

英國改良關稅定議○倫敦電云英京商會中人聚會提議決定改良關稅問題會員贊成者五十一人反對者十三人內有中立者四十一人

英日博覽會開會期○倫敦電云英京開辦之英日博覽會定於西五月初旬開會聞英皇擬親蒞該會行開會典禮

坎拿大擇定航務總站○倫敦電云坎拿大政府因坎拿大輪船公司航務頗見發達在英國並未設立總站現與該公司總理提議多日決定以英國布利司圖洛地方爲總站作爲航路之中心點

波人反對俄軍○倫敦電云波斯政府因俄軍尙駐波境現屆新年出示勸告人民停止慶賀之禮以爲反對俄人之紀念

坎美關稅問題了結○倫敦電云坎拿大與美國因關稅問題提議多日尙未定約現因坎拿大擬畧爲退讓美國亦擬和平了結以便早日定約

法議院選舉定期○倫敦電云法議院定於西四月二十四號選舉新議員

英屬捐款獎勵探險家○倫敦電云英屬紐錫蘭政府因英員克德氏統帶南極探險隊赴南極探獲新地現特捐款千鎊以爲獎勵

第一百十四條 地方以下審判廳檢察廳遇有缺出在京由 法部在外由提法司申請 法部於前條限制以內以候補推事候補檢察官署理

第一百十五條 凡有左列情事之一者不得爲推事及檢察官

一 因褫奪公權喪失爲官吏之資格者

二 曾處三年以上之徒刑或監禁者

三 破產未償債務者

第一百十六條 大理院正卿少卿俱爲 特簡官 總檢察廳廳丞大理院推丞高等審判廳廳丞高等檢察

長京師地方審判廳廳丞俱爲請簡官 各地方審判廳廳長檢察廳檢察長及各推事檢察官俱爲奏補官

第一百十七條 前條各官品級細目另以官制定之

第一百十八條 補高等審判廳推事及高等檢察官者須有左列資格之一

一 任推事或檢察官歷五年以上者

二 照第一百十二條充京省法政學堂教習或律師五年以上而任推事及檢察官者

第一百十九條 補大理院推事及總檢察官者須有左列資格之一

一 任推事或檢察官歷十年以上者

二 照前條第二項充京省法政學堂教習或律師十年以上而任推事及檢察官者

第一百二十條 前二條所載年限均應接續計算

第一百二十一條 推事及檢察官在職中不得爲左列事宜

一 於職務外干與政事

二 爲政黨員政社員及中央議會或地方議會之議員

三 爲報館主筆及律師

四 兼任非本法所許之公職

五經營商業及官吏不應爲之業務

第一百二十二條 推事及檢察官如因精神衰弱不能任事各省由提法司申報法部奏請退職京師由各審判

衙門檢察廳長官報明法部奏請退職

第一百二十三條 審判衙門及檢察廳如有裁改其裁缺之推事及檢察官由 法部奏請給以全俸遇缺卽補

第一百二十四條 自大理院卿以下所有推事及檢察官之廉俸並進級章程除本法規定外另以法令定之

第一百二十五條 法部對於推事及檢察官不得有勒令調任借補停職免職及減俸等事其有左列情事者不

在此限

一關於第一百二十一條一百二十二條所指情節者

二係候補推事及檢察官尙未補缺者

三因懲戒調查或刑事被控律應停職者

四出於刑律之宣告或懲戒之處分者

第一百二十六條 推事及檢察官之廉俸雖在懲戒調查或刑事被控時仍應照給

第一百二十七條 推事及檢察官退職後得受恩俸其細則於廉俸章程中附定之

第十三章 書記官及繙譯官

第一百二十八條 各審判衙門分別置左列各項書記官掌錄供編案會計文牘及其他一切庶務

一初級審判廳置錄事

二地方及高等審判廳置典簿主簿錄事

三大理院置都典簿典簿主簿錄事

第一百二十九條 初級審判廳應置書記官不得少於該廳獨任推事之數如置二員以上時以資深者一人爲

長監督其餘各員

第一百三十條 地方及高等審判廳應置書記官不得少於該廳合議庭及獨任推事之數以典簿一人爲長從
廳丞或廳長之命令分配其餘各員之事務並監督之

護督憲崔咨順天府改派緝私分局委員文

護督憲崔准順天府咨准都察院文開據文安縣生員

劉竹林等以查確私捻抗不平毀堵塞水道漁利害

民等情札飭天津道查照辦理文

獨石口廳瑞丞徵稟口城督銷分局違章擾民請速整

頓文

河南禁煙公所詳撫院查明辦理禁煙成績請照章給

獎文

二十六日

護督憲崔准湘撫咨請飭銀元機器各局購用湘省白

鉛札飭造幣津廠等遵照文

王道維藩稟奉設善後公司籌辦情形并將已辦村莊

開摺報查文

慶雲縣徐令簡書稟開辦巡警教練所情形文

二十七日

護督憲崔據提學司申赴張家口廳等處考查學務情

形咨呈學部備案文

護督憲崔據寶坻縣詳籌款修上游香河屬馬家窩

等莊窩頭河決口淤河各工札飭水利局查照文

天津商務總會稟海關道議覆唐山商會酌提經費文

二十八日

天津府河防同知照會議事會各集斗店船戶請免抽

捐一案文

天津議事會移覆高等審判廳核議地畝糾葛一案文

東安縣周令如鑛詳督憲設立學款經理處文

湖北憲政籌備處書記官于按經漸遠稟呈督院會議

廳章程說帖文

二十九日

礦政調查局詳酌擬礦章所載應解藩庫一半煤稅等

款銀兩提歸擴充礦政文

廣平府劉守中度稟勸禁纏足及禁煙興學情形文

雄縣張令允翰稟擬在城內工藝局開辦教練所暨附

設總局文

河南陸軍兵備參謀教練處等詳報派員秋操旅行文

三十日

護督憲崔札飭津海關道兩廣派員採辦戰馬由山西

輪船先行載運三百匹回省應給海關免稅護照文

運司詳查明永屬鹽局款項文

十一月初一日

護督憲崔准閩督咨派員分省調查軍政事札飭各鎮

協查照文

護督憲崔准軍諮處咨考試畢業學員仍令各回原差

札飭各員查照文

大名鎮言鎮敦源稟請將畢業學兵撥入巡防隊學習

內務以備提升暨獎叙教習文

順直諮議局呈選舉資政院議員日期并請監督文

又呈閉會日期請蒞會文

柏鄉縣左令湘鍾稟遵飭籌辦巡警教練所並開辦日

期文

初二日

護督憲崔據北洋師範學堂詳專修科學生畢業札委

吳道家修前往會考文

藁城縣陳令汝賢稟籌設簡易識字學塾文

學生許用海稟試造冷機船隻工竣請驗明轉咨准予

專利文

初三日

銀行專修科附生王夢齡等稟請廣設儲蓄銀行文

南和縣姻令錫章任縣謝令曷麟稟奉委會驗任縣挑

挖聖水順水等河并呈印驗各結請查核文

初四日

工藝局孫道等呈延古齋因存貨過多開彩售貨報効

建築別館經費一萬元文

禁煙總局咨覆藩司核議武邑縣抽收井戲等捐四條

以備會同詳覆文

密雲縣張令夢筆稟籌設巡警教練所請查核文

初五日

護督憲崔准郵傳部咨唐山路礦學堂學生私入各處

學堂請查辦事札飭津浦鐵路局等查照文

臬司詳遵飭甄別天津審判廳各委員文

協贊會照會協贊各員文

禁煙總局咨會藩司核議阜平縣辦理禁煙出力各員

獎案文

初六日

護督憲崔准稅務大臣咨華商和茂洋皂于禮氏洋燭

廠運物徵稅辦法札飭津海關道查照文

警務處詳核明定鎮縣巡官李雲卿獎案文

霸州劉牧傳祁詳籌設巡警教練所文

天津縣張令之光稟開辦巡警教練所日期文

天津縣議事會移津浦鐵路北段總局文

初七日

大名鎮道等稟遵飭舉辦廣屬清鄉暨行查山東成案


繕摺候示文

漁業公司孫道多森詳購買東浮橋分局辦公房地價


值請批示立案文

酒濕為患

上海告退海軍武員為韋廉士大醫生紅色補丸所治愈
 中國海軍告退武員洪君子文寓於上海仁智里一百八十八號承其來函云○余前沉湎於酒致成痼疾四肢風
 溼痛苦異常足脛膝時時疼痛漸及於手四肢強硬幾失功用受此困憊已匪朝夕而又加以遍體忽發瘡癩奇
 癢難堪爬搔出血身無完膚夜間睡眠衣觸身殊甚痛楚商諸名醫皆為酒溼脚風之症也乃恪遵醫言服藥調
 治數月之久非惟不能少得安寧抑且倍增痛苦自念痼疾已深無復克痊之望一年前承友人告以韋廉士大醫
 生紅色補丸之功力余遂購而試服之甫及數瓶風溼骨痛漸減是蓋激我久服之心也未幾痛癢皆止瘡癩悉平



上海洪君子文為韋廉士大醫生紅色補丸所治愈
 夜睡頗覺安寧昏起極有興趣日間作事四肢活潑余故接連再服直至骨節所有痛楚消除盡淨而止今者不服是丸業經數月而酒溼脚風絕無復發皮膚光潤食量增進氣力倍加是皆韋廉士大醫生紅色補丸之所賜也能不畧誌數語以彰厥功不潔之故韋廉士大醫生



丸藥樣謹防假冒

生紅色補丸治愈其病即驅其不潔之血以補其稠紅之新血也是丸常以運行血中之力會醫治天下無數所患
 血薄氣衰 諸虛百損 少年虧喪 陽萎不舉 胃失消化 肝經不調 膽汁不化 背骨疼痛 頭痛目
 眩風溼骨痛 腎骹痠痛 左癱右換 跳舞瘋病 脚氣衝心 山嵐瘴氣 乾溼癬癩 瘰癧疔疹 皮膚
 諸症以及婦女月信不調經來腹痛等症莫不藥到春回立見奇效者矣 韋廉士大醫生紅色補丸中國各處商
 店藥局凡經售西藥之處均有出售如就近無從購買或直向上海四川路第八十四號韋廉士大醫生藥局中國總
 發行函購或向四川重慶白象街分行購買亦可 價銀每一瓶大洋一元五角每六瓶大洋八元 遠近郵費一
 律不取

上海四川路第八十四號韋廉士大醫生藥局啓

北洋官報

第二千三百八十四册

告白

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精曾寄由德國國家栢林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利文洋行

本行開設天津上海香港志呢華海參崴等處均設有年諸班貨物由外洋本機器廠自造鐘錶蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指耳墜鑲子表墜大小八音盒並留聲語匣單雙桶千里眼磁蘭磨花穿衣鏡妝梳洋鏡

大小皮包法國洋號又新到轉盤換調話匣八音盒價格格外從廉仕宦官商光顧者請移玉紫竹林法租界本行面議可也

瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅顯繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

嶧縣中興煤礦有限公司添招新股廣告

啟者本公司前蒙 農工商部奏派承參上行走前長蘆運台周到嶧調查商籌擴充辦法預算五年內路礦用款出煤噸數並議招新股漕平足銀二百二十萬兩具文呈復旋蒙 農工商部札飭本公司邀集舊股東設法招集務於預算年限內每日出煤二千噸之數各等因奉此本公司現已遵札將添招新股章程詳改完善呈部奉准立案茲將部札原呈及添招新股章程登告以供 公覽其擴充辦法及出煤獲利取息分紅各節均詳周都轉原呈並招股章程毋庸贅述如有遠近官紳商庶願附本公司礦股者自一股至數百股均可隨時向義善源慶善銀號洋灰公司河北周公祠後院南鄭宅等處商附兌款後先給收銀憑單隨即函告濟南總理處填寫股票摺寄回轉交附股人收執為憑以收足原議之數為截止之期幸勿觀望自失利益特此敬佈

北洋灤州官礦有限公司訂期開股東常會廣告 啓者本公司現屆第二期派利
謹擇於二月二十五日下午二鐘假座天津河北李公祠東院罩棚內舉行股東常會應請有股 諸君於會期前
三日攜帶股票赴法租界五號路本公司驗明填給會券屆期即可持券入會如不先領會券臨時礙難接待謹啓

北洋灤州官礦公司開收第一期股本廣告

啓者本公司原招股本係分兩期核收分填天字地字兩項股票茲特定期將地字股本收足自本年正月十五日起
起望持天字股票爲憑以便驗票收款天津本埠以三個月爲限交法界五號路十四號門牌本公司總理處其外
埠較遠以五個月爲限仍交各處天津分銀號均先發執照一個月後換取地字股票如逾限不交當查照本公司
招股章程第七十條辦理合先聲明此啓

京師自來水公司照章付息廣告

者本公司現照章於三月初一日起發給第二次股息屆期務請 股東持息單前往各原交股款之天津銀號
取其在本公司及他處入股者均可到北京天津銀號照付惟此埠股東或願改赴他埠取息須預先一個月照
埠掛號聲明以便知會所指之處屆期照付免致不能接洽是幸

啟新洋灰有限公司分派第三期紅利廣告

啓者本公司應派上年年息紅利定於三月初一日起憑息單發給並分送帳畧其磚股係第一期照章自收銀之
次日起按八釐算給官利不分紅利務祈在股 諸君屆期到海大道本公司總理處領取如南省股東亦可將息
單交上海天津分銀號承接寄津代取不計匯費惟津滬往返函寄約需一月屆時望持該號收條領取息單可也

督署兩等小學續招學生廣告

地址 督署後天緯路北學級 本校分高等初等兩級**資格** 高等以能作短文爲合格初等識字與不識字
均可**課程** 遵章報名自二月初一日起至二月三十日截止本堂在庶務處**考期** 三月初一日早八點鐘
考高等學生下午兩點鐘考初等學生**學費** 不收

京奉鐵路局廣告

啓者本路京奉直達通車訂於本月二十五日即禮拜一日起改掛睡車兼雅座客車並有頭二等飯車（並無三等客車）（每逢禮拜一下午七點二十五分由北京直開瀋陽）（每逢禮拜日上午八點五十分由瀋陽直開北京）（凡搭通車照尋常車費頭等客每位加車費洋二元二等客每位加車費洋一元如兼用座位者頭等每位共加洋七元二等每位共加洋三元五角無論路程遠近均一律核收）（頭等床位備有被褥抗毯等件）（二等床位由客人自備被褥）（凡客人欲搭睡車可預先函知津局車務處定留床位如未經預定或在半途搭車者倘餘剩床位不得侵占別人所定之床位）（客人行李另有車輛裝載如有輕小包裹帶入睡車者不准放在客座無並車廊等處致碍他客）（山海關至瀋陽每逢開通車之日隨後加尋常快車一次以便行旅）

京奉鐵路局緊要廣告

本局向來每星期往來京奉直達通車現定於二月二十五日即西歷四月四號禮拜一日爲始更換新車添掛頭二等睡車飯車仍照向章每逢星期日上午八點五十分由瀋陽開赴北京星期一下午七點二十五分由北京開赴瀋陽頭等票價照尋常加通車費洋二元如欲乘睡車者加睡車費洋五元二等票照尋常加通車費洋一元如欲乘睡車者加睡車費洋二元五角無論遠近一律照收均不售三等票其頭等睡車並備有被褥枕毯等件二等睡則歸搭客自備凡搭客欲乘坐通車者均須預先知照本局車務處派定號次以免臨時擁擠搭客行李另有車輛裝載其零星手提物件准其帶入睡車惟不得侵佔旁人座位現奉郵傳部鐵路總局論此項車輛原爲利便行旅起見睡車牀位有限應仿照京漢路局辦法無論何人一概不准持免票登車即本局局長總辦以及各處華洋員司遇有公事乘坐通車亦須自行購票私事更不必論以示限制而昭公允等因除遵照外合亟廣告俾衆週知